

CHAPITRE I

Creation du ciel & de la terre, & de tout ce qui y est comprins. De la lumiere aussi, & de l'homme, Auquel tout est asviecti. Dieu benit toutes ses œuvres, qu'il a accomplies en six iours.

I

Dieu^a crea^b au commencement^c le ciel & la terre.

2 Or la terre estoit sans forme, & vuide, & les tenebres estoient sur les abysses : & l'Esprit de Dieu^d estoit espandu par dessus les eaux.

3 Adonc Dieu dit, ¹ Qu'il y ait lumiere. ^e Et la lumiere fut.

4 Et Dieu vid q̄ la lumiere estoit bonne : & separa la lumiere des tenebres.

5 Et Dieu appela la lumiere iour, & les tenebres nuit. Lors fut fait le soir & le matin du premier iour.

6 ¶ Puis Dieu dit, Qu'il y ait une estendue entre les eaux, & qu'elle separe les eaux d'avec les eaux.

7 Dieu donc fit l'estendue, & diuisa les eaux, qui estoient

sous l'estendue, d'avec celles, qui estoient sur l'estendue. Et fut ainsi fait.

8 Et Dieu appela l'estendue, Ciel. Lors fut fait le soir & le matin du second iour.

9 ¶ Puis Dieu dit, ² Que les eaux, qui sont sous le ciel, soyent assemblees en un lieu, & que le sec apparaisse. Et fut ainsi fait.

10 Et Dieu appela le sec, Terre, & l'assemblee des eaux, mers. Et Dieu vid que celà estoit bon.

11 Et Dieu dit, Que la terre produise verdure, herbe produisant semence, & arbre fruitier, faisant fruit selon son espece, lequel ait sa semence en soy-mesme sur la terre. Et fut ainsi fait.

12 La terre donc produisit verdure, herbe produisant semence selon son espece, & arbre sans fruit, lequel auoit sa semence en soy-mesme selon son espece.

^aFit de rien, & sans aucune matiere.

^bTout premierement, & auit qu'il y auoit aucune creature

^cLe ciel & la terre, les eaux, les abysses, se prennent ici pour une mesme chose

^dOu, se mouvoit, C'est

¹Iob 38.4

^eCette lumiere n'estoit point encore au soleil, car il n'auoit pas esté créé, mais estoit en la main de Dieu, ayant son ordre

²Psaum. 33.7

Et Dieu vid que celà estoit bon.

13 Lors fut faiçt le soir & le
matin du troisieme iour.

14 ¶ Apres Dieu dit, Qu'il
y ait luminaires en l'estendue
du ciel, pour separer la nuit du
iour: & soyēt en signes, en